



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 64. redovnoj sjednici održanoj 17. juna 2020. godine, usvaja

ZAKON
O IZMJENI I DOPUNI ZAKONA O INSPEKCIJAMA BRČKO DISTRIKTA BOSNE I
HERCEGOVINE

Član 1

U Zakonu o inspekcijama Brčko distrikta Bosne i Hercegovine (Službeni glasnik Brčko distrikta BiH, brojevi: 24/08, 25/08, 20/13, 16/18 i 08/19) član 14 mijenja se i glasi:

"Član 14
(Šef Inspektorata)

- (1) Radom Inspektorata rukovodi šef Inspektorata.
- (2) Šefa Inspektorata imenuje gradonačelnik na osnovu javnog konkursa, u skladu sa Zakonom o državnoj službi u organima javne uprave Brčko distrikta BiH.
- (3) Šef Inspektorata se imenuje na mandat od četiri godine i isto lice može biti ponovno imenovano za šefa Inspektorata, ali ne više od dva mandata uzastopno.
- (4) Poslove šefa Inspektorata može obavljati lice koje ima visoku školsku spremu propisanu kao uslov za obavljanje inspeksijskih poslova, položen ispit za rad u organima uprave i najmanje pet godina radnog iskustva u struci.
- (5) Gradonačelnik će proceduru imenovanja šefa Inspektorata inicirati najkasnije šest mjeseci prije isteka mandata šefa Inspektorata.
- (6) Postupak imenovanja šefa Inspektorata mora biti okončan najkasnije dva mjeseca prije isteka mandata šefa Inspektorata.
- (7) Radno mjesto šefa Inspektorata je mandatno radno mjesto rukovodećeg državnog službenika."

Član 2

Iza člana 114 dodaje se član 114a koji glasi:

„Član 114a
(Prelazne odredbe o imenovanju šefa Inspektorata)

- (1) Gradonačelnik će pokrenuti proceduru imenovanja šefa Inspektorata u roku od trideset (30) dana od dana stupanja na snagu ovog zakona.
- (2) Lice, koje je u momentu stupanja na snagu ovog zakona zaposleno na radnom mjestu šefa Inspektorata, nastaviti će obavljati poslove tog radnog mjesta, kao

rukovodeći državni službenik, do okončanja postupka izbora šefa Inspektorata u skladu s članom 14 ovog zakona.

- (3) Lice iz stava 2 ovog člana može se prijaviti na javni konkurs za izbor šefa Inspektorata.
- (4) Na pitanja radno-pravnog statusa lica iz stava 2 ovog člana, ukoliko ne bude imenovano na poziciju šefa Inspektorata u skladu s članom 14 ovog zakona, primjenjuju se odredbe o prekobrojnosti propisane Zakonom o državnoj službi u organima javne uprave Brčko distrikta BiH."

Član 3

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-903/20
Brčko, 17. 6. 2020. godine

PREDSJEDNIK
SKUPŠTINE BRČKO DISTRIKTA BiH

Esed Kadrić